

唐

書

合

鈔

唐書卷第十二

本紀十二

德宗上

德宗神武孝文皇帝諱适代宗長子母曰睿眞皇后沈

氏

初沈氏以開元末選入代宗官安祿山之亂元宗避

賊於蜀諸王妃妾不及從者皆爲賊所得均之東都

之掖庭代宗克東都留之宮中

史思明再陷東都遂失所在

天寶元年四月癸巳生

於長安大內之東宮其年十二月拜特進封奉節郡王

新書肅宗元年建丑月封疑誤

代宗卽位之年五月以上爲天下兵馬

元帥改封魯王八月改封雍王時史朝義據東都十月

遣上會諸軍於陝州大舉討賊十一月破賊於洛陽進

收東都河南平定朝義走河北分命諸將追之俄而賊

將李懷仙斬朝義首以獻河北平以元帥功拜中書令
食實封二千戶與郭子儀等八人圖形凌煙閣廣德二
年二月立爲皇太子大曆十四年五月辛酉代宗崩癸
亥卽位於太極殿閏月壬申貶中書舍人崔祐甫爲河
南少尹甲戌貶門下侍郎同平章事常袞爲潮州刺史
召崔祐甫爲門下侍郎同中書門下平章事丙子詔諸
州府新羅渤海歲貢鷹鵠皆停戊寅詔山南枇杷江南
柑橘歲一貢以供宗廟餘貢皆停庚寅以兵部尚書路
嗣恭爲東都留守以常州刺史蕭復爲潭州刺史湖南
團練觀察使辛巳罷邕府歲貢奴婢癸未改括州爲處

州括蒼縣爲麗水縣停梨園使及伶官之冗食者三百人留者皆隸太常劍南歲貢春酒十斛罷之甲申以司徒兼中書令河中尹靈州大都護單于鎮北大都護充關內河東副元帥朔方節度關內支鹽池六城水運大使押諸蕃部落管內及河陽等道觀察使上柱國汾陽郡王山陵使食實封一千九百戶郭子儀可加號尙父守太尉餘官如故加實封通前二千戶月給一千五百人糧馬二百匹草料以朔方都虞候李懷光爲河中尹邠寧慶晉絳慈隰等州節度觀察使以朔方右留後常謙光兼靈州大都督西受降城定遠軍天德鹽夏豐節

度等使以朔方左留後單于副都護渾瑊爲單于大都
護振武軍東中二受降城鎮北及綏銀麟勝等軍州節
度營田使丙戌詔禁天下不得貢珍禽異獸銀器勿以
金飾丁亥詔文單國所獻舞象三十二令放荆山之陽
五坊鷹犬皆放之出宮女百餘人己丑以右羽林大將
軍吳希光檢校散騎常侍兼御史中丞充渭北鄜坊丹
延都團練觀察使辛卯以河陽三城鎮遏使馬燧檢校
工部尚書兼太原尹御史大夫北都留守河東節度使
壬辰以河東節度留後鮑防爲京畿觀察使以陳州刺
史李芃檢校太常少卿河陽三城鎮遏使癸巳以壽州

刺史杜亞

案杜亞大麻十三年除江西觀察使本傳德宗立召入朝此乃代亞爲觀察使者案張鑑

傳德宗卽位鑑由壽州刺史遷江西則此當是張鑑也

爲江西觀察使甲午冊太

尉子儀自開元以來冊禮多廢天寶中楊國忠冊司空至是行子儀之冊以江西觀察使杜亞爲陝州長史充轉運使丙申詔兵部侍郎黎幹害若豺狼特進劉忠翼掩義隱賊並除名長流既行俱賜死丁酉以京畿觀察使鮑防爲福州刺史福建都團練觀察使以戶部侍郎判度支韓滉爲太常卿吏部尚書劉晏判度支鹽鐵轉運等使初晏與滉分掌天下財賦至是晏都領之六月己亥朔御丹鳳樓大赦天下罪無輕重咸赦除之內外

文武三品已上賜爵一級四品已下加一階致仕官同見任百姓爲戶者賜古爵一級加李正已司徒太子太傅表成德軍節度使檢校司空
同平章事李賓臣爲司空崔寧李勉本官同平章事天下進獻事緣郊祀陵廟所須依前勿闕餘並停諸州刺史上佐今後準式入計諸州刺史常參官父在未有官量與五品致仕官父亡歿與追贈減乘輿服御士庶田宅車服踰制者有司爲立法度禁百官置邸販鬻武德至德將相有功者子孫予官自此至德已來別敕或因人奏或臨事頒行差互不同使人疑惑中書門下與詳定官決取堪久長行用者編入格條自今更不得奏置寺觀及度人庚子封元子誦爲宣王次子謨爲舒

王諶爲通王諒爲虔王詳爲肅王並加開府儀同三司
乙巳封皇弟迺爲益王迅爲隨王遡爲蜀王丙午舉先
天故事非供奉侍衛之官自文武六品已上清望官每
日二人更直待制以備顧問仍以延英南藥院故地爲
廨癸丑詔皇族五服等已上居四方者家一人赴山陵
縣次給食己未揚州每年貢端午日江心所鑄鏡幽州
貢麝香皆罷之辛酉罷宣歙池鄂岳沔二都團練觀察
使陝虢都防禦使以其地分隸諸道復置東都京畿觀察
使以御史中丞爲之壬戌處州刺史王縉湖州刺史
第五琦皆爲太子賓客睦州刺史李揆爲國子祭酒並

留司東都中官邵光超送淮西旌節李希烈遺縑七百
疋事發杖六十配流由是中官不敢受賂癸亥詔中書
門下御史臺五品已上諸司三品已上長官各舉可任
刺史縣令者一人中書門下量才進擬有犯坐舉主秋
七月壬辰朔日有食之禮儀使吏部尚書顏真卿奏列
聖謚號文字繁多請以初謚爲定兵部侍郎袁修議云
陵廟玉冊已刻不可輕改罷修妄奏不知玉冊皆刻初
謚而已庚午詔邕州所奏金坑誠爲潤國語人以利非
朕素懷其坑任人開採官不得禁卒未以吏部侍郎房
宗偃爲御史中丞東都畿觀察使罷右銀臺門客省歲

給廩料萬二千斛自永泰已來或四方奏計未遣者或上書言事忤旨者及蕃客未報者常數百人於客省給食橫費已甚故罷之壬申毀元載馬璘劉忠翼之第以其雄侈踰制也癸酉減宮中服御常貢者千數丁丑復置廄馬隨仗於月華門外己卯詔王公卿士不得與民爭利諸節度觀察使於揚州置回易邸並罷之庚辰詔鴻臚寺蕃客入京各服本國之服罷商州歲貢稱膠辛卯罷天下榷酒丁酉詔國用未給其宣王已下開府俸料皆罷給八月甲辰以門下侍郎同平章事崔祐甫爲中書侍郎同平章事以道州司馬同正楊炎爲門下侍

郎以懷州刺史喬琳爲御史大夫並同中書門下平章事京畿觀察使

下闕文

乙巳遣太常少卿韋倫使吐蕃以

蕃俘五百人還之修好也癸亥詔人死亡於外以棺柩

還城者勿禁九月甲戌以淮西節度爲淮寧軍辛巳以

檢校刑部尚書白孝德爲太子少傅丙戌祕書少監邵

說爲吏部侍郎給事中劉迺爲兵部侍郎中書舍人令

狐峘爲禮部侍郎冬十月丁酉朔吐蕃合南蠻之衆號

二十萬三道寇茂州扶文黎雅等州連陷郡邑發兵四

千助蜀大破之

鳳翔節度使朱泚金吾衛大將軍曲環敗之於七盤城

己酉葬代

宗於元陵戊午九成宮貢立獸炭鑪襄州貢種燕弱之

工皆罷之散官參豬三千頭給貧民十一月辛未以鴻
臚卿賈耽爲梁州刺史山南西道節度觀察使丁丑以
陝州長史杜亞爲河中尹河中晉絳慈隰都防禦觀察
使壬午御史大夫同平章事喬琳爲工部尚書罷知政
事以劍南西川節度觀察度支營田等使檢校司空同
平章事成都尹崔寧兼御史大夫京畿觀察使癸巳加
崔寧兼靈州大都督單于鎮北大都護朔方節度等使
出鎮坊州以荆南節度使檢校禮部尚書兼御史大夫
江陵尹張延賞檢校兵部尚書兼御史大夫成都尹劍
南西川節度觀察度支營田等使以朔方節度虞候杜

希全爲靈州留後以鄜州刺史張光晟爲單于振武軍使東中二受降城綏銀鄜勝等軍州留後以延州刺史李建徽爲鄜坊丹延留後楊炎素惡崔寧雖授以三鎮仍署此三人爲留後奪寧之權也人皆憤之十二月己亥南選使可以專達勿復以御史臨之乙卯制宣王誦可立爲皇太子丙寅晦日有食之詔元日朝會不得奏祥瑞事

建中元年春正月丁卯朔御含元殿改元建中羣臣上尊號曰聖神文武皇帝己巳上朝太清宮庚午謁太廟辛未有事於郊丘是日還宮御丹鳳門大赦天下自艱

難以來徵賦名目頗多今後除兩稅外輒率一錢以枉
法論常參官諸道節度觀察防禦等使都知兵馬使刺
史少尹畿赤令大理司直評事等授訖三日內於四方
館上表讓一人以自代其外官委長吏附送其表付中
書門下每官闕以舉多者授之王府六品已上官及諸
州縣有司可併省及諸官事減者量事廢省天下子爲
父後者賜勅兩轉陽文武官
隋勅爵已已福建觀察使鮑防湖
南觀察使蕭復讓憲官從之自兵興已來方鎮重任必
兼臺省長官以至外府僚佐亦帶臺省銜至是除韓滉
蘇州刺史杜亞河中少尹而領都團練觀察使不帶臺

省兼官自是諸道非節度而兼憲官者皆讓甲午詔東都河南江淮山南東道等轉運租庸青苗鹽鐵等使尙書左僕射劉晏頃以兵車未息權立使名久勤元老集我庶務悉心瘁力垂二十年朕以征稅多門鄉邑凋耗聽於羣議思有變更將置時和之理宜復有司之制晏所領使宜停天下錢穀委金部倉部中書門下揀兩司郎官準格式調掌是月浚豐州陵陽渠二月丙申初定
兩稅晏黜陟使一十一人分行天下新書在正
月辛未癸卯以戶部郎中韓潤爲諫議大夫以涇原節度使段秀實爲司農卿己酉貶尚書左僕射劉晏爲忠州刺史癸丑昭義軍

節度留後李抱真爲本道節度使甲寅貶史館修撰禮
部侍郎令狐峘郴州司馬右補闕柳晃巴州司戶日本
國朝貢癸亥朱泚兼四鎮北庭行軍涇原節度使三月
丙寅禮儀使奏東都太廟闕木主請造詔下議之不決
庚午監察御史張著以法冠彈中丞嚴郢浚陵陽渠匿
詔不行削郢官著賜緋魚辛未左散騎常侍翰林學士
張涉放歸田里甲戌以前司農卿庾準爲江陵尹兼御
史中丞荆南節度使癸巳以諫議大夫韓洞爲戶部侍
郎判度支時將貶劉晏罷使名歸尚書省本司今又命
洞判度支令金部郎中杜佑權勾當江淮水陸轉運使

一如劉晏韓滉之制蓋楊炎之排晏也夏四月乙未朔
涇原裨將劉文喜據城叛己亥地震辛未

案是月無辛未誤

命

江西觀察使崔昭冊命迴紇可汗戊申以福建觀察使
鮑防爲洪州刺史江西團練觀察使癸丑上誕日不納
中外之貢唯李正巳田悅各獻縑三萬疋詔付度支妃
父王景先駙馬高怡獻金銅像上曰有何功德非吾所
爲退還之壬戌以衡州刺史嗣曹王皇爲潭州刺史湖
南團練觀察使御史中丞元全柔爲杭州刺史五月甲
子朔戊辰以太常少卿韋倫爲太常卿復使吐蕃己卯
右金吾衛大將軍李通爲黔州刺史黔中經畧招討觀

察鹽鐵等使潮州刺史常袞爲福建觀察使涇州將劉光國殺劉文喜降涇州平六月甲午朔中書侍郎同平章事崔祐甫卒辛丑築奉天城加試殿中監劉海賓兼御史中丞封樂平郡王海賓涇州將賞殺劉文喜也乙卯京兆尹源休使迴紇冊武義成功可汗秋七月丙寅良丁丑罷內出孟蘭盆不命僧爲內道場壬申王國
一
誦任申上下字有以鴻臚寺左右威遠營隸金吾己丑忠州刺史劉晏賜自盡八月甲午振武軍使張光晟殺領蕃迴紇首領突董統等千人收駝馬千餘疋錦十萬匹乃徵光晟歸朝以彭令芳代之乙未河中晉絳觀察使杜亞爲睦州

刺史丁未加朱泚中書令餘官使並如故以舒王謨爲涇原節度大使尚書右丞孟皞爲涇州刺史知留後東
僰烏蠻守來朝貢丁巳遙尊上母沈氏曰皇太后戊午
以吏部尙書顏真卿爲太子少師依前禮儀使改封嗣
舒王藻爲嗣郢王九月戊辰判度支韓洞奏請於商州
紅崖治洛源監置十鑪鑄錢江淮七監每鑄一千費二
千文請皆罷從之己卯雷庚寅以睦王述爲奉迎皇太
后使工部尙書喬琳爲副冬十月甲午貶尚書左丞薛
邕爲連山尉坐贓也乙巳太子少傅昌化郡王白孝德
卒十一月辛酉朔朝集使及貢使見於宣政殿兵興已

來四方州府不上計內外不朝會者二十有五年至此始復舊制州府朝集者一百七十三人詔每令分番二人待詔乙丑贈敬暉等五王官又贈張九齡司徒鍾紹京太子太傅戊寅諸王有宮者初令出閣就班又出嫁岳陽等一十縣主皆在諸王院久而未適人者上悉命以禮出降十二月辛卯韋倫使迴與吐蕃宰相論欽明思等五十五人同至獻方物修好也丁酉令詳定國初已來將相功臣房元齡等一百八十七人據功績分爲三等是冬無雪黃河滹沱易水溢是歲戶部計帳戶總三百八萬五千七十有六賦入一千三百五萬六千七十貫鹽利不

在此限

二年春正月庚申朔戊辰成德軍節度恒定等州觀察

使司空兼太子太傅同中書門下平章事恒州刺史隴

西郡王李寶臣卒

其子惟岳自稱留後幽州盧龍軍節度使朱滔討之魏博節度使田悅反

神策都虞候

李晟河東節度使馬燧昭義軍節度使李抱真河陽節度副使李芃討之

丙子以汴

宋滑亳陳潁泗節度觀察使檢校吏部尚書同平章事

李勉爲永平軍節度汴滑陳等州觀察等使

汴滑陳懷鄭汝陝河

陽三城宋亳

穎節度都統

以兵部尚書東都留守路嗣恭爲鄭汝陝

河陽三城節度東畿觀察等使以宋州刺史劉洽爲宋

亳潁節度使以鄭州隸永平軍自去年十月無雪至甲

申方雨雪丁亥檢校戶部尚書張獻恭爲東都留守以
河南尹趙惠伯爲河中尹河中晉絳慈隰都防禦觀察
使以前鄭州刺史于頎爲河南尹二月乙未以御史中
丞盧杞爲御史大夫京畿觀察使以桂管觀察使李昌
嶢爲江陵尹兼御史大夫江南節度等使以前江南節
度使庾準爲左丞甲辰以容州刺史盧嶽爲桂州防禦
觀察使乙巳以門下侍郎同平章事楊炎爲中書侍郎
知政事以御史大夫盧杞爲門下侍郎同中書門下平
章事丙午以宋亳節度爲宣武軍丁未以御史中丞袁
高爲京畿觀察使乙卯振武軍亂殺其帥彭令芳監軍

劉惠光

丁巳發兵屯關東誓師於望春樓山南東道節度使梁崇義反

三月庚申朔築

汴州城初大麻中李正已有淄青齊海登萊徐沂密德棟曹濮兗鄆十五州之地李寶臣有恒定易趙深冀滄七州之地田承嗣有魏博相衛洺貝澶七州之地梁崇義有襄鄧均房復郢六州之地各聚兵數萬始因叛亂得位雖朝廷寵待加恩心猶疑貳皆連衡盤結以自固朝廷增一城浚一池便飛語有辭而諸道完城繕甲畧無寧日至是田悅初稟命劉文喜殄除羣兇震懼又奏計者還都無賜與旣歸皆構怨言先是汴州以城隘不答衆請廣之至是築城正已田悅移兵於境爲備故詔

分汴宋滑爲三節度移京西防秋兵九萬二千人以鎮
關東又於郾城置溵州辛巳以汾州刺史王翊爲振武
軍使東中二受降城鎮北綏銀麟勝等州留後以萬年
令崔漢衡爲殿中少監使吐蕃夏四月己丑朔省沔州
庚寅襄州梁崇義加同中書門下平章事己亥省燕州
順化州乙卯併平琴州爲黨州丁巳貶禮部侍郎于召
桂州刺史御史中丞袁高韶州長史五月京師雨雹庚
人三十丙寅以軍興十一而稅己巳新書六月癸巳申置待詔官

度使李希烈充漢南北諸道都知兵馬招撫處置等使

封南平郡王

以討梁崇義

六月庚寅以浙江西道爲鎮海軍

加蘇州刺史韓滉檢校禮部尚書潤州刺史充鎮海軍
節度使浙江東西道觀察等使以御史中丞一員爲理
陁使諫議大夫一員知陁使給事中中書舍人爲監考
使辛丑尙父中書令汾陽郡王郭子儀薨丙午以檢校
祕書少監鄭叔則爲御史中丞東都畿觀察使壬子以
懷鄭河陽節度副使李芃爲河陽三城懷州節度使仍
割東畿五縣隸焉秋七月戊午朔詔曰北庭四鎮統任
西夏五十七蕃十姓部落國朝以來相率奉職自關隴
失守東西阻絕忠義之徒泣血相守慎固封畧奉遵禮
教皆侯伯守將交修共理之所致也伊西北庭節度觀

察使李元忠可北庭大都護四鎮節度留後郭昕可安
西大都護四鎮節度觀察使自河隴陷虜伊西北庭爲
蕃戎所隔間者李嗣業荔非元禮孫志直馬璘輩皆遙
領其節度使名初李元忠郭昕爲伊西北庭留後隔絕
之後不知存亡至是遣使歷迴紇諸蕃入奏方知音信
上嘉之其伊西北庭將士叙官仍超七資庚申以中書
侍郎同平章事楊炎爲左僕射以前永平軍節度使張
鎰爲中書侍郎同中書門下平章事檢校尚書右僕射
侯希逸爲司徒
司空淮陽郡王侯希逸卒丁丑以河中尹關播爲給事
中同州刺史李承爲河中尹晉絳都防禦觀察使辛巳

以邠寧節度使李懷光兼靈州大都督單于鎮北大都
護朔方節度使以鄜坊丹延觀察留後李建徽爲坊州
刺史鄜坊丹延都團練觀察使壬午以幽州隴右節度
使中書令朱泚爲太尉田悅攻寇臨洺守將張伾城守
癸未馬燧李抱真及田悅戰於臨洺敗之八月劍南西川節度使張延賞東
節度使賈耽荆南節度使李昌夔淮南節度使陳少遊討梁崇義以李希烈爲諸軍都統辛卯平盧

淄青節度觀察使司徒太子太保同中書門下平章事
李正巳卒其子納稱留後自庚戌以中書舍人衛晏爲御史中

丞京畿觀察使壬子淮寧軍節度使李希烈攻襄陽誅
梁崇義斬其同惡三十餘人九月李納陷宋州李惟岳將張孝忠以易定二

降州

辛酉以易州刺史張孝忠爲恒州刺史充成德軍節

度觀察使壬戌加李希烈同中書門下平章事

賜立功
士卒帛

稟死事家三歲癸亥兵部尚書翼國公路嗣恭卒甲子以晉絳

觀察使李承爲襄州刺史山南東道節度觀察等使戊

辰以杭州刺史元全柔爲黔中經畧招討觀察等使冬

十月乙酉尚書左僕射楊炎貶崖州司馬尋賜死戊申

加宣武軍節度使劉洽御史大夫徐州刺史李洧棄其

帥李納以州來降十一月辛未

新書

宣武軍節度使劉

洽與神策將曲環大破李納之衆於徐州

敗之於七里溝

己巳

詔成德軍節度都知兵馬使恒州刺史襲高麗朝鮮郡

王案寶臣封龍西郡王

北高麗朝鮮四字誤

李惟岳以其父寶臣有忠勞於

王室惟岳隳墜父業蔑棄國恩縗絰之中擅掌戎務外
結兒黨益固姦謀不孝不忠宜肆原野削爾在身官爵

下闕文

乙亥貶戶部侍郎判度支韓洞蜀州刺史以江淮

轉通使度支郎中杜佑代判度支戶部事丁丑以陝州

長史李齊運爲河中尹充河中晉絳防禦觀察使以商

州刺史姚明敷爲陝州長史本州防禦陸運使以權鹽

鐵使戶部郎中包佶充江淮水陸運使

馬燧及田悅戰於雙嶺敗之

甲申李納將海州刺史王涉以州降十二月庚寅河東

節度使馬燧檢校左僕射澤潞節度使李抱真檢校兵

部尚書賞破田悅之功也丙申太子賓客王縉卒

丁酉
馬萬

通以密州降馬燧爲魏博招討使

三年春正月乙卯朔丙寅幽州節度使朱滔成德軍節

度使張孝忠破李惟岳之兵於束鹿辛未詔供御及太

子諸王常膳有司宜減省之於是宰臣上言減堂廚百

官月俸請三分省一以助軍從之

復權
酷

庚辰追封皇叔

僖爲宋王贈皇弟選荆王

癸未李納昭
海密二州

閏月乙未李惟

知以趙州降

丙申以文宣王三十七代孫齊賢爲兗州司功

襄文宣公辛丑復置具員簿甲辰成德軍兵馬使王武

俊殺李惟岳傳首京師

其將楊榮國以深州降

庚戌馬燧李抱真

李芃破田悅兵於洹水進攻魏州

是月悅將李再春以博州降

二月

戊午惟岳將定州刺史楊政義以州降加朱滔檢校司徒以張孝忠檢校兵部尚書易定滄三州節度使以檢

校太子賓客王武俊檢校祕書監恒州刺史恒冀都團

練觀察使康日知爲趙州刺史深趙都團練觀察使

給復易定深趙恒冀六州三年赦吏民爲李惟岳迫脅者已卽震通化門

三月丁亥贈故衛

尉卿顏杲卿司徒故常山太守袁履謙左散騎常侍故

許州長史龐堅右散騎常侍故鞏縣主簿蔣清禮部侍郎贈故驍衛將軍代國公安金藏兵部尚書授其子承

恩廬州長史乙未以徐州刺史李洧爲徐沂海團練觀

察使戊戌田悅洺州刺史田昂以城降新書在開正月以嶺南節度使張伯儀檢校兵部尚書兼江陵尹御史大夫荆南節度等使以容管經畧使元琇爲廣州刺史嶺南節度使丙午貶京兆尹盧慧爲撫州長史夏四月戊午李納守德州將李士真守棣州將李長卿皆以城降庚申先陷吐蕃僧尼將士八百人自吐蕃還壬戌封朱滔爲通義郡王朱滔王武俊與田悅合從而叛太常博士韋都賓陳京以軍興庸調不給請借京城富商錢大率每商留萬貫餘並入官不一二十大商則國用濟矣判度支杜佑曰今諸道用兵月費度支錢一百餘萬貫若獲五

百萬貫纔可支給數月甲子詔京兆尹長安萬年令大
索京畿富商刑法嚴峻長安令薛莘荷校乘車於坊市
搜索人不勝鞭笞乃至自縊京師囂然如被盜賊搜括
旣畢計其所得纔八十萬貫少尹韋禎又取僦櫃質庫
法拷索之纔及二百萬甲戌昭義軍節度副使盧元卿爲魏博澶相招討使丁丑
彭王傅徐浩卒贈太子少師戊寅以中書侍郎同平章
事張鎰兼鳳翔尹隴右節度使以代朱泚加泚實封五
百戶賜竇氏名園涇水上腴田及錦綵金銀器以安其
意時滔叛故也壬午貶御史大夫嚴郢爲費州刺史杜
殺左巡使殿中侍御史鄭詹郢歲餘卒

是月朱滔反

五

月丙戌增兩稅鹽榷錢兩稅每貫增二百鹽每斗增一
百丁亥貶太子詹事邵說歸州刺史卒於貶所辛卯詔
朔方節度使李懷光率神策及朔方軍東討丙申詔故
伊西北庭節度使楊休明故河西節度使周鼎故西州
刺史李秀瓊故瓜州刺史張銑等寄崇方鎮時屬殷憂
固守西陲以抗戎虜歿身異域多歷歲年以迨於茲旅
櫟方旋誠深追悼宜加寵贈以資幽泉休明可贈司徒
鼎贈太保秀瓊贈戶部尚書銑贈兵部侍郎皆隴右牧
守至德已來陷吐蕃而歿故至是西蕃通和方得歸葬
也丁酉加河東節度使檢校左僕射馬燧同平章事澤

潞李抱真檢校右僕射河陽李芃檢校兵部尚書神策營招討使李晟右散騎常侍賞破田悅功也乙巳貶戶部侍郎判度支杜佑爲蘇州刺史以中書舍人趙贊爲戶部侍郎判度支辛亥易定節度賜名義武軍六月丁巳尚書左丞庾準卒甲子京師地震以左散騎常侍李涵爲入迴統弔祭使京兆少尹源休爲光祿卿恒冀觀察使王_反武俊戊寅以前衛州刺史趙涓爲尚書左丞右庶子柳載爲右丞辛巳朱滔王武俊兵救田悅至魏州北是日李懷光兵亦至馬燧李抱真李芃等盛軍容迓懷光朱滔等慮其掩襲還出兵懷光與之接戰於迎篋山之西

王師不利各還營壘賊乃壅河決水絕我糧道秋七月
甲申以前振武軍使王翊爲京兆尹以兵部郎中楊真
爲御史中丞京畿觀察使壬辰殿中丞李雲端謀反伏誅以括率商戶

人情不安癸巳詔除已收納入庫外一切停已貯納者
仍明置簿麻各給文牒後準元數却還甲午以前同州
刺史蕭復爲兵部侍郎庚午馬燧李懷光李抱真李茂
等四節度兵退保魏橋朱滔王武俊田悅之衆亦屯於
魏橋東南與官軍隔河對壘自五月不雨甲辰始雨宣
武誤當是軍節度使李勉爲檢校司徒淮寧軍李希烈
檢校司空邠寧李懷光同平章事李茂封開陽郡王八

月丁未

案是月無
丁未課

初分置汴東西水陸運兩稅鹽鐵使

從戶部侍郎判度支趙贊奏也

癸丑演州司馬李孟秋
峯州刺史皮岸凡伏誅

戊午太子賓客第五琦卒辛酉以涇原節度留後姚令

言爲涇原節度使戊辰以江淮鹽鐵使太常少卿包佶

爲汴東水陸運兩稅鹽鐵使己巳加劍南西川節度使

張延賞檢校吏部尚書甲戌以大理少卿崔縱爲汴西

水陸運兩稅鹽鐵使丁丑以禮儀使太子少師顏真卿

爲太子太師庚辰徐海沂都團練使李洧卒江淮訛言

有毛人捕人食其心人情大恐九月丁亥以李洧部將

高承宗爲徐州刺史徐海沂都團練使判度支趙贊上

言請爲兩都江陵成都揚汴蘇洪等州置常平輕重本
錢上至百萬貫下至十萬貫收貯斛斗匹段絲麻候貴
則下價出賣賤則加估收糴權輕重以利民從之費乃
於諸道津要置吏稅商貨每貫稅二十文竹木茶漆皆
什一稅一以充常平之本己亥夜有猛獸入宣陽里傷
二人詰朝獲之冬十月辛亥以湖南觀察使嗣曹王臯
爲洪州刺史江西節度使丙辰以吏部侍郎關播爲中
書侍郎同中書門下平章事李希烈反都官員外郎樊澤使
吐蕃回與蕃相尙結贊約來年正月望日會盟清水丙
子肅王詳薨十一月己卯以山南西道節度使賈耽檢

校工部尚書兼襄州刺史御史大夫山南東道節度使
以興鳳團練使嚴震爲梁州刺史山南西道節度使甲
午以前山南東道節度使李承爲潭州刺史湖南觀察
使是月朱滔田悅王武俊於魏縣軍壘各相推獎僭稱
王號滔稱大冀王武俊稱趙王悅稱魏王又勸李納稱
齊王僭署官名如國初親王行臺之制丁酉李希烈自
稱天下都元帥太尉建興王與朱滔等四盜膠固爲逆
四年春正月戊寅朔丁亥鳳翔節度使張鎰與吐蕃宰
相尙結貳同盟於清水庚寅李希烈陷汝州執州將李
元平而去東都震駭甲午遣顏真卿宣慰李希烈軍戊

戊以龍武大將軍哥舒曜爲東都畿汝節度使率鳳翔
邠寧涇原等軍東討希烈丙午福建觀察使常衮卒二
月戊申於河陽三城置河陽軍乙卯新書_{丁卯}哥舒曜收汝
州丁丑以工部侍郎蔣鎮充禮儀使三月己卯復置河
州癸未以左散騎常侍孟皞爲福建都團練觀察使辛
卯嗣曹王阜擊李希烈將陳質之衆敗之收復黃州李
烈寇鄂州刺史李兼敗之丁酉荆南張伯儀與賊戰戰於安州敗績嗣曹
王阜收復蘄州夏四月庚申以永平宣武河陽等軍節
度都統檢校司徒同平章事李勉爲淮西招討使哥舒
之張伯儀爲淮西應援招討使襄陽賈耽爲江南西道招討使江西嗣曹王阜等

爲之副甲子京師地震生黃白毛長尺餘丙子哥舒曜進軍至潁橋大震雷人死者十之三四乃退保襄城五月辛巳夜京師地震乙酉潁王璬薨乙未劉洽爲淄青充鄆招討制置使乙巳滑濮二州黃河清滑州馬生角六月庚戌初稅屋間架算除陌錢時馬燧李懷光李抱真李芃屯魏縣李晟屯易定李勉陳少遊哥舒曜屯懷汝間神策諸軍皆臨賊境凡諸道之軍出境仰給於度支謂之食出界糧月費錢一百三十萬貫判度支趙贊巧法聚斂終不能給至是又稅屋所吏秉筆持算人人廬舍而抄計峻法繩之愁歎之聲遍於天下

丁卯徙封逾爲冊王邁簡王

秋七月甲申

以國子祭酒李揆爲禮部侍郎復其爵

馬燧爲魏博副相節度招討使

王辰盧杞開播李忠臣及
吐蕃區頗贊盟於京師

甲午以李揆爲左僕射兼御

史大夫充入吐蕃會盟使八月丁未李希烈率衆三萬

攻哥舒曜於襄城湖南觀察使李承卒

乙卯希烈將曹季昌以隋州降

庚申有星墮於京師九月戊寅龍見於汝州之城濠丙戌李勉將

唐漢臣劉德信喪師於扈澗汴軍自此不振東都危急

庚子舒王誤爲荆襄江西沔鄧節度
諸軍行營兵馬都元帥徙封普王

冬十月丙午詔涇

原節度使姚令言率涇原之師救哥舒曜丁未涇原軍出京城至滻水倒戈謀叛姚令言不能禁上令載縉綵二車遣普王往慰諭之亂兵已陣於丹鳳闕下促神策

軍拒之無一人至者與太子諸王妃主百餘人出苑北門右龍武軍使令狐建方教射於軍中聞難聚射士得四百人扈從其夕至咸陽飯數七而過戊申至奉天已酉元帥都虞候渾瑊以子弟家屬至乃以瑊爲行在都虞候神策軍使白志貞爲行在都知兵馬使以令狐建爲中軍鼓角使金吾將軍侯仲莊爲奉天防城使亂兵既剽京城屯於白華乃於晉昌里迎朱泚爲帥稱太尉居含元殿庚戌泚殺司農卿段秀實及左驍衛將軍劉海賓上以奉天隴欲幸鳳翔王子鳳翔軍亂殺節度使張鎰後營將李楚琳自稱留後乃止癸丑李希烈陷襄城宣武軍兵馬使高翼死之哥舒曜走洛陽甲寅朱泚

涇原節度都

乙卯賜檢校司空崔寧死丁巳以吏部

虞候何明禮

復以戶部

刑部尚書劉從一

從一以吏部郎中拜諫議

尚書蕭復

公輔以京兆府戶曹

參軍翰林學士拜

並以本官同中書門

下平章事邠寧節度留後韓遊瓌與論惟明率兵三千

至纔入奉天賊軍亦至乃出拒之王師不利賊乘勝攻

門自卯至午殺傷殆半會有草車在門外渾瑊令焚之

賊衆遂退癸亥泚賊三面攻城渾瑊力戰禦之方退大

將呂希倩死之

乙丑將軍高重傑死之

賊自丁未攻城至己巳二

十餘日矢石不絕

是月商州軍亂殺其刺史謝良輔

十一月乙亥劍南西川

兵馬使張朏逐其節度使張延賞朏伏誅

以隴右節度判官隴州留後殿中

侍御史韋臯爲隴州刺史兼御史大夫奉義軍節度使
靈武留後杜希全鄜坊節度使李建徽鹽州刺史戴休顏夏州刺
史時常春合兵六千來援至漠谷爲賊所敗而退新書在上

月辛酉

賊由是攻城愈急矢石雨下死傷者衆人心危蹙

上與渾瑊對泣朱泚據乾陵作樂下瞰城中詞多侮慢
戊子賊造雲橋攻東北隅兵仗不能及城中憂恐相顧
失色渾瑊預爲地道及雲橋成城腳陷不得進城命焚
之風迴焰轉橋焚而賊退朔方節度使李懷光遣兵馬
使張韶新書在上奉表言大軍將至乃令昇韶巡城叫呼歡
聲動地賊不之測疑懼緩攻癸巳懷光軍次醴泉李懷光及

朱泚戰於魯店

敗之行營兵馬

副元帥

神策將李晟自定州率師赴難軍於渭橋

甲午以商州都虞候王仙鶴權商州防禦使十二月

州王戍貶門下侍郎同平章事盧杞爲新州司馬貶行

在都知兵馬使白志貞爲恩州司馬戶部侍郎判度支

趙贊爲播州司馬癸亥以京兆少尹裴腆判度支甲子

以湖南觀察留後趙憬爲湖南觀察使乙丑以祠部員

外郎陸贊爲考功郎中金部員外郎吳通微爲職方郎

中翰林學士並如故以侍御史吳通元爲起居舍人充

翰林學士己巳以河中尹李齊運爲宗正卿庚午李希

懷光爲中書令

朔方鄆寧

同華陝虢河中晉絳慈隰

陷華

朱泚

陷華

朱泚

陷華

朱泚

烈陷汴州

附汴州

鄭

是

案是

以右庶子崔縱爲京兆尹癸酉

西月無

誤

癸

年

以中書侍郎同平章事關播爲刑部尚書

新舊在

明年正

月無

誤

癸酉

月無

西

月無

司封郎中杜黃裳爲給事中命給事中孔巢父淄

青宣慰華州刺史董晉河北宣慰

新舊在

明年正

青宣慰華州刺史董晉河北宣慰

興元元年春正月癸酉朔上在奉天行宮受朝賀詔曰立政興化必在推誠忘已濟人不吝改過朕嗣服不構君臨萬邦失守宗祧越在草莽不念率德誠莫追於旣往永言思咎期有復於將來明徵其義以示天下小子懼德不嗣罔敢怠荒然以長於深宮之中暗於經國之務積習易溺居安忘危不知稼穡之艱難不恤征戍之

勞苦致澤靡下究情不上通事既壅隔人懷疑阻猶昧
省已遂用興戎徵師四方轉餉千里賦車籍馬遠近驛
然行賚居送衆庶勞止力役不息田萊多荒暴令峻於
誅求疲民空於杼軸轉死溝壑離去鄉里邑里邱墟人
煙斷絕天譴於上而朕不寤人怨於下而朕不知馴致
亂階變起都邑賊臣乘釁肆逆滔天曾莫愧畏敢行凌
逼萬品失序九廟震驚上累於祖宗下負於蒸庶痛心
覲面罪實在予永言愧悼若墜泉谷賴天地降祐人祇
協謀將相竭誠爪牙宣力羣盜斯屏皇維載張將宏遠
圖必布新令朕晨興夕惕惟省前非乃者公卿百僚用

加虛美以聖神文武之號被蒙暗寡昧之躬固辭不獲
俯遂羣議昨因內省良所瞿然自今已後中外書奏不
得言聖神文武之號今上元統麻獻歲發祥宜革紀年
之號式敷在宥之澤可大赦天下改建中五年爲興元
元年李希烈田悅王武俊李納咸以勲舊繼守藩維朕
撫馭乖方致其疑懼皆由上失其道而下罹其災一切
並與洗滌復其爵位待之如初仍卽遣使宣諭朱滔以
此速坐路遠必不同謀永念舊勲務存宏貸如能効順
亦與惟新朱泚反易天常盜竊名器暴犯陵寢所不忍
言獲罪祖宗朕不敢赦除泚外並從原宥應赴奉天并

進收京城將士並賜名奉天定難功臣身有過犯減罪

三等子孫過犯減罪二等先稅除陌間架等錢竹木茶

漆等稅並停奉天升爲赤縣

在行營者賜勅五轉賜文武官階勲爵給復奉天五

十年城中分命朝臣諸道宣諭以奉天行營都團練使楊

惠元檢校工部尚書丙戌以吏部侍郎

當作尚書

同平章事

蕭復爲門下侍郎知政事以吏部侍郎盧翰爲兵部侍

郎同中書門下平章事戊子命宰臣蕭復往山南荆南

湖南鄂岳浙江東西福建等道宣慰己丑以京兆尹裴

暉爲戶部侍郎判度支丙申以山南東道行軍司馬樊

澤爲襄州刺史山南東道節度使以渾瑊爲行在都知

兵馬使以前趙州觀察使康日知兼同州刺史充奉誠

軍節度使

戊戌劉洽爲汴滑
朱亳都統副使

辛丑詔六軍各置統軍一

員秩從二品左右常侍各加一員太子賓客加四員二

月戊申詔故司農卿張掖郡王段秀實贈太尉謚曰忠

烈賜實封五百戶贈滑州兵馬使賈隱林左僕射以滑

州刺史李澄兼汴州刺史汴滑節度使是日李晟自咸

陽移兵東渭橋避懷光也晟以懷光反狀已明請上幸

蜀王武俊効順加同中書門下平章事兼幽州節度使

令討朱滔吐蕃遣使來朝請以兵助國討逆乃令御史

大夫于頎入蕃宣諭之甲子加李懷光太尉仍賜鐵券

赦三死罪懷光怒曰凡人臣反逆乃賜鐵券今賜懷光

是反必矣乃投之於地上命翰林學士陸贊曉諭之是

日人心恐駭懷光奪楊惠元李建徽所將兵惠元被害

新書在三月

丁卯車駕幸梁州留戴休顏守奉天以御史中

丞齊映爲沿路置頓使

懷光將孟庭保以兵來追左衛大將軍侯仲莊敗之於驛店

李晟大集兵賦以收復爲已任李懷光患之移軍涇陽

連朱泚欲同滅晟晟卑詞厚意致書諭之冀其感悟懷

光頗增愧懼

三月甲戌李懷光殺左廂兵馬使張名振右武鋒兵馬使石演芬

甲申

以祕書監崔漢衡爲上都留守右散騎常侍于頑爲京

兆尹是日懷光燒營走歸河中其將孟涉段威勇等千

人奔歸李晟丙戌以前饒州刺史杜佑爲廣州刺史嶺

南節度使

丁亥加神策節度使

李晟兼京畿渭北鄜坊丹

延節度觀察使

策神行營兵馬使尚可孤爲神策京畿渭南商州節度招討使

庚寅車

駕次城固唐安公主薨上愛女悼惜之甚壬辰至梁州

丁酉宣武軍節度使劉洽加同平章事

權知汴滑宋亳都統兵馬事

己亥以行在都知兵馬使渾瑊檢校左僕射同平章事

靈州大都督充朔方節度使邠寧振武永平奉天行營

副元帥是日詔授李懷光太子太保其餘官職並罷涇

州亂牙將田希鑒殺其帥馮河清自稱留後

新書在四月甲寅

夏四月辛丑朔時將士未給春衣上猶夾服漢中早熱

左右請御暑服上曰將士未易冬服獨御春衫可乎俄而貢物繼至先給諸軍而始御之壬寅詔奉天隨從將士並賜號元從功臣

李悅光留坊州甲辰李嚴爲京畿渭北商華兵馬副元帥

以邠

寧兵馬使韓遊瓌爲邠寧節度使尚書左丞趙涓卒乙巳以陝虢防遏使唐朝臣爲河中尹河中同晉絳節度使御史大夫李齊運兼京兆尹魏博行軍司馬田緒殺其帥田悅

新書在三月癸酉

詔贈悅太尉以緒爲魏州長史魏

博節度觀察使甲寅以諫議大夫同平章事姜公輔爲左庶子加劍南節度使張延賞同平章事姜公輔爲道節度使賈耽爲工部尚書甲子入蕃使左僕射李揆

卒於鳳州乙丑渾瑊與吐蕃將論莽羅之衆破賊將韓晏於武功斬首萬級丙寅加李納同平章事丁卯義王玭薨是月坊州刺史竇覩克坊州五月淮南節度使陳少遊加檢校司徒後又作司空東川節度使李叔明太子太傅鎮海軍節度使韓滉檢校右僕射癸酉涇王侹薨徐沂海團練使高承宗卒以其子明應知徐州事丙子李抱真王武俊破朱滔於經城東南斬首三萬級擒僞相朱良祐李俊以獻朱滔遁歸幽州癸未岳州李謙黔南元全柔桂管盧嶽加御史大夫嶽加中丞庚寅李納上章稟命乃贈李正巳太尉壬辰商州尚可孤破賊於藍田乙未安西

四鎮節度使郭昕北庭都護李元忠加左右僕射是夜
李月旦自北移軍於光泰門外賊來薄我軍爭奮擊大
敗之蹙入光泰門斬馘數千計賊黨慟哭而入白華戊
戌列陣於光泰門外遣騎將史萬頃往神廢村開苑牆
二百餘步賊樹柵當之我軍爭柵雲合電擊與賊血戰
賊黨大敗追擊至白華朱泚姚令言率衆萬餘遁去晟
收復京城是日渾瑊與戴休顏亦破賊三千於咸陽韓
遊瓊追朱泚於涇州六月庚子朔升恒州爲大都督府
癸卯贈神策兵馬使楊惠元右僕射是日李晟上收京
城露布上覽之涕下霑襟涇州田希鑒斬姚令言幽州

軍士韓旻於彭原斬朱泚並傳首至行在乙巳遣吏部侍郎班宏入京宣諭已酉加李晟司徒兼中書令實封一千戶駱元光尚可孤加檢校左右僕射皆實封五百戶以涇州將田希鑒爲涇州刺史涇原節度使癸丑詔以梁州爲興元府南鄭縣爲赤畿官名品制視京兆河南給復一年耆老加版授百姓給復二年見任官員加兩階耆老與版授南鄭縣令賜緋加興元尹嚴震檢校右僕射賜實封一百戶裴劉從一爲中書侍郎盧翰爲門下侍郎甲寅加渾瑊侍中實封八百戶韓遊瓊檢校左僕射實封四百戶戴休顏檢校右僕射實封二百戶考功郎中知制誥陸贊司封郎

中知制誥吉中孚並爲諫議大夫水部員外郎顧少連爲禮部郎中並依前充翰林學士行在左右廂兵馬使

令福建時常春並加散騎常侍

乙卯給復洋州一年加給興元一年父老加版

授丙辰斬僞相李忠臣籍其家李晟奏受賊僞署同惡

抵法之家所沒財物牛馬奴婢請以賞軍士從之戊午

車駕還京發興元是日大雨及入斜谷晴霽從官將士

歡然以爲天助秋七月丙子車駕次鳳翔府詔放管內

今年秋稅耆壽侍老各與版授刺史賜紫其餘版授上

佐賜緋府縣置頓官考滿日放選受僞署官喬琳蔣鎮

張光晟李通蔣鑑伏誅朱泚害郡王王子王孫七十七

人於馬璘宅丁丑令所司具凶禮收殮於淨域寺庚辰
詔李懷光往因職任頗著幹能朕嗣位之初首加拔擢
託爲心膂授以節旄頃歲河朔不寧俾令征討任兼將
相恩極邱山及朱泚猖狂擾亂京邑懷光迴軍赴難宗
社再寧保佑朕躬厥功甚茂故元帥河中之權太尉中
書之秩仍加實封爰及宗親人臣之榮孰可爲比非朕
於懷光不厚豈朕報懷光不崇賊寇未除猜嫌已構受
朱泚姦兇之說聽張辟罔惑之言曾不沈思遂生疑阻
交通逆孽殘害忠良朕志在推誠事皆掩覆禮遇轉厚
委任益隆懷光都不改圖愈深不軌敕書慰問將士懷

光並不令宣三軍咸欲收城懷光並不令出自云已共
朱泚定約不能更事國家朕以眇身獲承鴻業務全大
計移幸山南倉皇之間備歷危險據其罪狀情實難容
然以解圍奉天其功不細昨又遣男璡謝罪請束身歸
朝朕憫其知過之心念其赴難之効以功贖罪務在優
恩今遣給事中孔巢父賚先授懷光太子太保敕牒往
河中宣諭三日內便與懷光同赴上都如欲家口同行
亦聽懷光自便朕必能保全終始寵待如初朔方將士
首立大功子儀再收京城咸是此軍之効昨遠從河朔
赴難奉天逆賊畏威望風奔遁永言勞績朕不暫忘將

士各竭忠謀中遭迫脅朕每念及痛心自咎比者君臣
阻隔只爲懷光一人懷光旣請入朝尙捨其罪況諸將
士並是功臣各宜坦然勿更憂慮先賜官封一切如舊
壬午至自興元時渾瑊韓遊瓌戴休顏以其衆扈從李
晟弟元光尙可孤以其衆奉迎步騎十餘萬旌旗連亘
數十里都民僧道歡呼感泣李晟見於三橋自陳收城
遲晚之咎伏地請罪上慰勞遣之丁亥河中宣諭使孔
巢父中官啖守盈並爲懷光所害辛卯御丹鳳樓大赦
天下賜百官階勳爵收京城者升八資給復京兆府一年

八人甲午命宰臣諸將送晟入新賜第賜教坊樂京兆

府供帳食饌鼓吹樂從京城以爲榮觀

是月嗣曹王臯及李希烈戰於

應山

敗之

改之

八月辛丑詔所司爲贈太尉段秀實樹碑立廟淄

青節度使承前帶陸海運押新羅渤海兩蕃等使宜令

李納兼之癸卯加司徒中書令合川郡王李晟兼鳳翔

尹充鳳翔隴右節度等使涇原四鎮北庭行營兵馬副

元帥改封西平郡王河東保寧軍節度使太原尹北都

留守檢校司徒同平章事北平郡王馬燧爲奉誠軍晉

絳慈隰節度使行營兵馬副元帥以靈鹽節度使侍中

兼靈州大都督樓煩郡王渾瑊爲河中尹晉絳節度使

河中同陝虢等州及管內行營兵馬副元帥改封咸寧

郡王時方命城與馬燧各出師討懷光故也甲辰以金
吾大將軍杜希全爲靈州大都督西受降城天德軍靈
鹽豐夏節度營田等使以同絳節度使唐朝臣爲鄜坊
丹延等州節度使以保義軍節度使鳳翔尹李楚琳爲
金吾大將軍以奉義軍節度使隴州刺史韋臯爲左金
吾衛大將軍丙午渾瑊兼朔方行營兵馬副元帥戊申以奉天行營節度
使戴休顏爲左龍武統軍己酉以延王玢隨王迅西平
長公主薨廢朝己未前湖州刺史袁高爲給事中九月
庚午宗正卿李琬卒賜渾瑊大寧里第并女樂五人詔
宰臣諸將賜樂饋贈如送李晟入第故事壬午贈故右

僕射致仕李涵太子太保乙亥王武俊加檢校司徒李抱真檢校司空並賜實封五百戶賞破朱滔之功也甲申以前嶺南節度使元琇爲戶部侍郎判度支丁亥上顧謂宰臣曰今大盜雖除時猶多難宜廣延納以達下情近日諫官都無論奏自今每正衙及延英坐日常令朝臣三兩人面奏時政得失庶有宏益也是秋螟蝗蔽野草木無遺冬十月辛丑李勉檢校司徒同中書門下平章事乙丑馬燧收絳州戊辰令中官竇文場王希遷監左右神策軍都知兵馬使閏月庚午詔朕臨御萬方失於君道兵革不息於今五年閔衆庶之勞悔征伐之事而李希烈蔑義棄

德反道虐人朕哀彼生靈陷於塗炭苟存拯物不憚屈身故於歲首特布新令赦其殊死待以至誠使臣纔及於郊圻巨猾已聞其僭竊酷烈滋甚吞噬無厭將相大臣咸懷憤激繼陳章疏固請討除朕以所行天誅本去人害兵戈既接玉石難分言念歎臣橫遭脅制雖思改革厥路無由受汚終身銜冤沒代淪胥以逞誠可痛傷豈孽自一夫而毒流萬姓爲人父母寧不愧懷宜令諸道節度使明行曉諭罪止元兇脅制之徒一切不問唐朝臣奏收永樂縣癸酉以右龍武大將軍李觀爲涇州刺史涇原節度使乙亥詔宋亳淄青澤潞河東恒冀幽

易定魏博等八節度螟蝗爲害蒸民饑餓每節度賜米五萬石河陽東畿各賜三萬石所司般運於楚州分付丁丑李晟至涇州誅節度使田希鑒罪其殺馮河清也戊子希烈將李澄以滑州歸國甲午以李澄爲汴州刺史汴滑節度使封武威郡王神策行營節度使檢校尚書右僕射馮翊郡王尙可孤卒十一月癸卯宋亳節度使劉洽與曲環破希烈之衆於陳州俘斬三萬級生擒賊將翟崇暉以獻戊午劉洽大破希烈之衆擒其僞相鄭賁等五人以獻希烈遁歸蔡州汴州平乙丑宰相蕭復三上章乞罷免許之表罷爲左庶子十二月乙亥淮南節度

使檢校司空同平章事陳少遊卒贈蕭定太子太師以

壽州刺史張建封爲濠壽都團練使

表已卯李勉加太
清宮使盧翰加太

微官使劉從一
集賢殿大學士

庚辰以刑部侍郎杜亞爲揚州長史淮

南節度使

乙酉渾瑊及李懷光戰於乾坑敗績

戊子以吏部郎中崔造爲

給事中辛卯以諫議大夫陸贊爲中書舍人依前翰林

學士詔翰林學士朝服班序宜同諸司官知制誥例

是歲

陳王珪薨

貞元元年正月丁酉朔御含元殿受朝賀宣制大赦天

下改元貞元

罷稅權

戊戌大風雪寒去秋螟蝗冬旱至是

雪寒甚民饑凍死者踣於路丁未以饒州刺史盧慈爲

福州刺史福建觀察使癸丑始聞太子太師魯郡公顏
真卿爲希烈所害新書在八月丙戌案本傳在興元元年八月追贈司徒廢
朝五日謚曰文忠仍特授男頽碩等官壬戌以吉州長
史盧杞爲澧州別駕尋卒二月丙寅朔遣工部尚書賈
耽侍郎劉太真分往東都兩河宣慰河南河北饑米斗
千錢癸未李抱真嚴震來朝寒食節上與諸將擊鞠於
內殿丙戌以檢校祕書監金良相爲檢校太尉使持節
大都督雞林州刺史寧海軍使襲封新羅王辛卯大雨
三月丙申朔以蜀州刺史韓洞爲兵部侍郎以汴東水
陸運等使左庶子包佶爲刑部侍郎辛丑戶部侍郎判

度支元秀兼諸道水陸運使

李懷光殺步軍兵馬使
田仙浩都虞候呂鳴岳

丁

未李希烈陷南陽殺守將

唐鄧隨招討使
朱友謙

黃金岳甲寅詔宰臣

宣諭御史今後上封彈奏人自陳論不得羣署章疏戊

午宣武帥劉洽檢校司空以汴滑節度使李澄爲滑州

刺史充鄭滑節度使加李納司空

是春旱

夏四月乙丑朔

普王誼改封舒王癸酉鄂岳觀察使李兼爲洪州刺史

江西都團練觀察使丁丑以江西節度使嗣曹王臯爲

江陵尹荆南節度使己卯改滑州永平軍名曰義成江

陵度支院失火燒租賦錢穀百餘萬時關東大饑賦調

不入由是國用益窘關中饑民蒸蝗蟲而食之汴帥劉

洽賜名元佐

壬午渾瑊及李懷光戰於長春官敗之丙戌馬燧渾瑊爲河中招討使

五月

癸卯分命朝臣禱羣神以祈雨蝗自海而至飛蔽天每下則草木及畜毛無復子遺穀價騰踊辛酉以河陽都知兵馬使雍希顏爲河陽懷都團練使六月丙子以兵部侍郎韓洞爲京兆尹辛巳劉元佐兼汴州刺史壬午以工部尚書賈耽兼御史大夫東都留守都畿汝州防禦使以汴州刺史薛玗爲河南尹

戊子馬燧及李懷光戰於陶城敗之

已

丑幽州朱滔卒贈司徒辛卯

劍南西川節度使張延賞爲中書侍郎同中書門下平章事

以左金吾衛大將軍韋皋檢核戶部尚書兼成都

尹御史大夫劍南西川節度觀察使以國子祭酒董晉

爲左金吾衛大將軍秋七月甲午朔河東節度使馬燧
自河中行營來朝庚子大風拔樹辛丑以左散騎常侍
李泌爲陝州長史陝虢都防禦觀察陸運使丙午以鎮
海軍浙江東西道節度使韓滉檢校尚書左僕射同平
章事江淮轉運使以河南尹薛玗爲河南水陸運使戊
申馬燧還行營辛亥加檢校工部尚書王士真爲德棣
都團練觀察使壬子以前涿州刺史兼御史中丞劉怦
爲幽州刺史御史大夫幽州盧龍軍節度副大使長史
兼知節度管理度支營田觀察押奚契丹經畧盧龍等
軍使丁巳以左散騎常侍柳渾爲兵部侍郎庚申以諫

議大夫高參爲中書舍人關中蝗食草木都盡旱甚澗水將竭井多無水有司計度支錢穀纔可支七旬八月甲子詔夫人事失於下則天變形於上咎徵之作必有由然自頃已來災沴仍集雨澤不降綿歷三時蟲蝗繼臻彌亘千里菽粟翔貴稼穡枯瘁藜藜蒸人聚泣田畝興言及此實切痛傷徧祈百神曾不獲應方悟禱祠非救災之術言詞非謝譴之誠憂心如焚深自刻責得非刑法舛繆忠良鬱湮暴賦未蠲勞師靡息事或無益而重爲煩費任或非當而橫肆侵蝕有一於茲足傷和氣本其所以罪實在予萬姓何辜重罹饑殍所宜出次貶

食節用緩刑側身增修以謹天戒朕自今視朝不御正殿有司供膳並宜減省不急之務一切停罷除諸軍將士外應食糧人諸色用度本司本使長官商量減罷以救凶荒俟歲豐登卽令復舊

襲封配享功臣子孫甲子李懷光大

將尉珪以焦籬堡降丁卯懷光將徐庭光以長春官兵六千人降甲戌朔方大將牛名俊斬李懷光傳首闕下馬燧收復河中丁丑始雨己卯詔朕誠信未著撫御失宜致使功臣陷於誅戮謂之克敵能不愧心然以懷光一家在法無捨念其背居將相嘗寄腹心罪雖挂於刑書功已藏於王府以干紀之迹固合減身以赴難之歟

所宜有後宜以懷光男一人爲嗣賜莊宅各一區仍還懷光屍首任其收葬懷光妻諸兒女遞送澧州委李臯逐便安置使得存立其出嫁女諸親並釋放陷賊將士一切並與洗雪河中絳百姓給復一年北平王馬燧咸寧王渾瑊並與一子五品正員官燧可侍中瑊可檢校司空駱元光韓遊瓌唐朝臣各賜實封二百戶與一子六品正員官昨河中行營將士共賜二十萬端匹以充宴賞放歸本道新除中書侍郎同平章事張延賞爲尚書左僕射時宰相劉從一病詔徵徵延賞李晟與延賞有隙自鳳翔上表論之延賞罷鎮西川還行至興元改授

左僕射戊子前河陽節度使檢校尚書左僕射開陽郡
王李芃卒九月己亥幽州節度使劉怦病請以子濟權
知軍州事從之癸卯以牛名俊爲丹州刺史御史大夫
崔縱奏準制勘會內外官員商量併省停減詳議聞奏
者伏以兵戎未息仕進頗多在官者旣合序遷有功者
又須褒賞比來每至選集不免據闕留人嘗難遺才仍
招怨望況有恩詔甄錄功勞諸道叙優人數甚廣見須
處置不可稽留今若停減吏員實恐非便於事非但成
優者無官可授抑又叙進者無路可容本冀使人翻成
讎怨事仍舊貫以適時宜更待事平然後經度制從之

乙巳上御正殿策賢良方正能直言極諫等三科舉人
辛亥宰相劉從一以疾辭任授戶部尚書庚申劉從一

卒幽州節度使劉怦卒辛巳

已疑作酉

以權幽州盧龍軍府

事劉濟爲幽州長史兼御史大夫幽州盧龍節度觀察

押奚契丹兩蕃等使

是秋雨木冰○五
行志在十二月

冬十月丙戌渾

城自河中來朝十一月癸巳朔山南嚴震來朝癸卯上

親祀昊天上帝於圜丘時河中渾城澤潞李抱真山南

嚴震同華駱元光邠寧韓遊瓌鄜坊唐朝臣奉誠康日

知等大將侍祠郊壇畢還宮御丹鳳樓大赦天下

賜奉天興

元扈從百官收
京將士階勲爵

丁丑

案是月無
丁丑誤

詔文武常參官共賜錢

七百萬貫

百萬字疑有一誣

以歲凶穀貴衣冠窘乏故也十二

月戊辰詔延英視事日令常參官七人引對陳時政得失自是羣官互進有不達理道者因多詆訐不適事宜上亦優容遣之

二年春正月壬辰朔以歲饑罷元會禮也丙申詔以民饑御膳之費減半官人月共糧米都一千五百石飛龍馬減半料臺郎御史與兼官出爲畿赤令期貧乏者授以官庚子大雪平地尺餘壬寅以左散騎常侍劉滋滋以吏部侍郎除

部侍郎鮑防爲京兆尹京兆尹韓洄爲刑部侍郎國子
祭酒包佶知禮部貢舉以江陵少尹李復爲容州刺史
本管經畧使癸丑以御史大夫崔縱爲吏部侍郎諫議
大夫知制誥翰林學士吉中孚爲戶部侍郎判度支兩
稅元琇判諸道鹽鐵榷酒詔宰相齊映判兵部李勉判
刑部劉滋判吏部禮部崔造判戶部工部甲寅詔天下
兩稅錢物委本道觀察使刺史差人送上市其先置諸
道水陸轉運使及度支巡院江淮轉運等使並停時崔
造專政改易錢穀職事多隳廢造尋以憂病歸第二月
癸亥山南樊澤奏破希烈將杜文朝之衆五千戰於
汜河擒

甲戌
雨上

文朝以獻乙丑鹿入舍元殿衛士執之甲戌戶部侍郎元琇爲尙書左丞京兆少尹李竦爲戶部侍郎判鹽鐵榷酒三月壬寅滑州李澄奏破希烈之衆於鄭州乙巳以司農卿李模爲黔中觀察使夏四月丙寅淮西李希烈爲其牙將陳仙奇所釁并誅其妻子仙奇以淮西歸順戊辰以前黔中觀察使元全柔爲湖南觀察使甲戌
雨上辛巳陝州觀察使李泌奏盧氏山治出瑟瑟請禁以充貢奉上曰瑟瑟不產中土有則與民共之任人採取甲申詔以淮西牙將陳仙奇爲蔡州刺史淮西節度使都統劉元佐李澄曲環李臯賈耽張建封各與一子正員

官賞平淮蔡功也

給復淮西三年

丁未以劍南東川節度使李

叔明爲太子太傅以東川兵馬使王叔邕爲梓州刺史

劍南東川節度使五月丙申自癸巳大雨至於茲日饑

民俟夏麥將登又此霖澍人心甚恐米斗復千錢丁酉

以伊西北庭節度留後楊龔古爲北庭大都護伊西北

庭節度度支營田瀚海等使

李希烈將李惠登以隨州降

己亥百僚

請上復常膳是時民人饑困食新麥過多死者甚衆伊

西北庭節度使李元忠卒贈司空

己酉地震

六月辛酉大風

雨街陌水深數尺人有溺死者癸未橫海軍使滄州刺

史程日華卒以其子懷直權知軍州事

是月淮西兵馬使吳少誠殺其

節度使陳仙奇自稱留後

秋七月戊子黔中觀察使理所復在黔州

辛卯以開州別駕白志貞爲果州刺史乙未福建觀察使盧慧卒己酉以虔王諒爲申光隨蔡節度大使以淮

西兵馬使吳少誠爲蔡州刺史知節度留後加東都留守

賈耽東都畿唐汝鄧都防禦觀察使以隴右行營節

度使曲環爲陳許節度使

李希烈將薛翼以唐州降侯召以光州降

八月戊

午以鄜坊節度使唐朝臣爲單于大都護振武綏銀節

度使右金吾大將軍論惟明爲鄜州刺史鄜坊都防禦

觀察使己巳以左金吾大將軍董晉爲尚書右丞

丙子大兩

電。五行志庚辰右散騎常侍蔣沈卒丙戌吐蕃寇涇
在六月丙子

隴邠寧諸鎮守閉壁自固京師戒嚴遣河中節度使駱元光鎮咸陽

案新書吐蕃傳河中渾城華州駱元光是時河中節度乃城非元光此當有闕文

九月詔左右金吾及十六衛將軍故事皆擇勲臣出鎮

方隅人居待從自天寶艱難之後衛兵雖然廢闕將軍

品秩尤高此誠文武勲臣出入轉遷之地宜增祿秩以

示優崇並宜加給料銀及隨身糧課仍舉故事署武班

朝參其廊下食亦宜加給其十六衛各置上將軍一人

秩從二品左右金吾上將軍俸料次於六統軍支給欲

求致理必藉兼才文武遞遷不全限隔自今內外文武

缺官於文武班中量才望相參叙用仍依故事於本衛

量置衛兵所司條件以聞丁酉義成軍節度鄭滑觀察等使檢校尚書左僕射滑州刺史武威郡王李澄卒以東都畿唐鄧汝等防禦觀察使賈耽檢校尚書右僕射兼滑州刺史義成軍節度鄭滑等州觀察使戊戌以吏部侍郎崔縱檢校禮部尚書東都留守東都畿唐鄧汝防禦觀察使己亥敕左右衛上將軍大將軍並於衙內宿乙巳吐蕃寇好畤京師戒嚴李晟部將王佖擊吐蕃於汧陽城敗其中軍辛亥寇鳳翔李晟出師禦之一夕而退冬十月癸酉邠寧節度使韓遊瓌又敗之於平川壬午奏關內河中河南等道秋夏兩稅青苗等錢悉折納粟麥兼加估收糴

以便民從之是月李晟破吐蕃摧沙堡十一月甲午冊
淑妃王氏爲皇后乙未兩浙節度使韓滉來朝丁酉冊
皇后王氏是日崩諡曰昭德辛丑吐蕃陷鹽州壬寅
劉元佐曲環鄂岳盧元卿並來朝十二月丁巳以韓滉
兼度支諸道鹽鐵轉運使吐蕃陷夏州又陷銀州馬燧
爲綏
銀麟勝招討使庚申以給事中同平章事崔造爲右庶子貶尚
書右丞判度支元琇爲雷州司戶爲韓滉誣奏人以爲
非罪諫官屢論之辛未鳳翔李晟來朝壬申京城畿內
榷酒每斗榷錢一百五十文鬻酒戶差役從度支奏也

甲戌以吐蕃

羌邊避正殿

三年春正月丙戌朔壬寅以左僕射張延賞同中書門
下平章事乙巳禮部侍郎薛播卒辛亥以戶部侍郎李
竦爲鄂岳觀察使壬子以兵部侍郎柳渾同中書門下
平章事劉滋守本官罷知政事中書舍人同平章事齊
映貶夔州刺史戊寅度支鹽鐵轉運使鎮海軍節度浙
江東西道觀察等使檢校左僕射同中書門下平章事
晉國公韓滉卒贈太傅以果州刺史白志貞爲潤州刺
史兼御史大夫浙西觀察使宣州刺史皇甫政爲越州
刺史浙東觀察使二月己卯華州漢關節度使駱元光
克鹽夏二州甲申葬昭德皇后於靖
陵三月庚寅詔今年朝集使宜停丙午鳳翔隴右元帥

副兵馬使吳詵爲福建觀察使鳳翔都虞候邢君牙爲
鳳翔尹本府團練使丁未制鳳翔隴右涇原四鎮北庭
管內兵馬副元帥鳳翔隴右道節度使奉天靖難功臣
司徒兼中書令鳳翔尹上柱國西平郡王食實封一千
五百戶李晟可太尉兼中書令庚戌以晟甥元帥兵馬
使王佖爲右威衛上將軍辛亥河東馬燧來朝時蕃相
尚結贊使大將論頗熱卑辭厚意告馬燧請兩國同盟
和好上疑其不誠不允故燧自將論頗熱入朝盛言蕃
相請盟可以保信上乃從之許盟於平涼

馬燧號副元帥案燧之罷

兵柄以吐蕃敗盟當在閏月辛未之後此時無緣遽罷也當從舊書在六月

夏四月庚申詔

蕃寇雖退疆理猶虞安邊之策必有良算宜令常參官各陳邊事隨所見封進以聞入蕃使崔翰奏於蕃中誘問給役者求蕃國人馬直數云凡五萬九千餘人馬八萬六千匹可戰者僅三萬人餘悉老幼庚午御麟德殿試定難樂曲馬燧所獻五月丁亥以侍中渾瑊爲吐蕃清水會盟使兵部尚書崔漢衡副之瑊與駱元光率師二萬往會盟所丁酉以左丞暢悅爲湖南觀察使戊戌左右神策左右龍武各加將軍一員丙午以嶺南節度使杜佑爲尚書右丞以容管經畧使李復爲廣州刺史嶺南節度使蕃相尙結贊請改會盟之所於原州之土

梨樹神策將馬有麟奏土梨地多險阨恐蕃軍隱伏不

如平涼川其地坦平又近涇州乃改盟於平涼川是月

新書志作五行

東都河南江陵汴州揚州大水漂民廬舍

吳少

誠殺申州刺史張伯元殿中侍御史鄭常

閏月乙卯以國子司業裴胄爲潭

州刺史湖南觀察使戊午陝虢李泌獻瑞麥一莖五穗

庚申詔省州縣官員上州留上佐錄事參軍司戶司士

各一員中州上佐錄事參軍司戶司兵各一員下州上

佐錄事司戶各一員京兆河南兩府司錄判司及四赤

丞簿尉量留一半諸赤畿縣留令丞尉各一員時宰相

張延賞請減官收俸料以助軍討吐蕃故也壬戌日有

黑暉自辰及申方散癸亥以荆南節度使檢校戶部尚書嗣曹王臯爲襄州刺史山南東道節度襄鄧郢安隨唐等州觀察使以山南東道節度使樊澤爲江陵尹荆南節度使辛未侍中渾瑊與吐蕃宰相尚結贊同盟於平涼爲蕃兵所劫瑊狼狽遁而獲免崔漢衡已下將吏陷沒者六十餘人殺刑官殿中侍御史韓弇癸酉遣使齋書以讓結贊蕃界不受戊寅枉矢墜於虛危辛巳以少府監盧岳爲陝虢觀察使是月戊寅太白晝見凡四十餘日天文志無六月丙戌以檢校司徒侍中馬燧爲司徒兼侍中以贊吐蕃之盟失策而罷兵柄也以陝虢觀察使李泌爲中書

侍郎同中書門下平章事以左龍武將軍李自良爲檢
校工部尙書太原尹河東節度使乙巳浙西觀察使白
志貞卒是月吐蕃驅鹽夏二州居民焚其州城而去秋
七月甲寅渾瑊自盟所來素服待罪釋之乙卯詔朕頃
緣興師備邊資用不給遂權議減官以務集事近聞授
官者皆已隨牒之任扶老攜幼盡室而行俸祿未請歸
還無所衣冠之弊流寓何依其先敕所減官員並依仍
舊初旣減員內外咨怨張延賞罷李泌初入相乃諷諫
官諭之乃下此詔丙辰平涼陷蕃官員崔漢衡已下各
與一子正員官以左羽林大將軍韓潭爲夏州刺史夏

綏銀等州節度使

甲午朔方節度使杜希全爲朔王申
方鹽豐夏綏銀節度都統

壬申

賜駱元光姓名曰李元諒尚書左僕射同平章事張延

賞卒贈太保癸酉復置吏部小選八月辛巳朔日有食

之丁亥陷蕃兵部尚書崔漢衡得還己丑以兵部侍郎

同平章事柳渾爲散騎常侍罷知政事壬辰以給事中

王緯爲潤州刺史浙西觀察使常州刺史劉蕡爲宣州

刺史宣歙池觀察使戊戌貶前門下侍郎同平章事蕭

復爲太子左庶子饒州安置坐宗人位佩儒僕鼎等連

鄧國長公主姦蠱事也戊申吐蕃犯塞諸軍戒嚴

吐蕃寇青

石嶺隴州刺史蘇清河敗之庚戌禁大馬出蒲潼武關九月丁巳吐蕃大掠汧陽

吳山華亭界民庶徙於安化峽西庚申左庶子崔造卒
癸亥迴紇可汗遣使合闕將軍請昏於我許以咸安公
主降之丙寅吐蕃陷華亭又陷涇州之連雲堡甲戌吐
蕃退俘掠邠涇隴等州民戶殆盡自是蕃寇常至涇隴
冬十月吐蕃修原州城屯據之甲申寇豐義韓遊瓌敗
之乙酉寇長武城城使
韓金義
敗之丁亥太子太傅李叔明卒丙戌神策將魏循上
言射生將韓欽緒等十餘人與資敬寺妖僧李廣宏同
謀不軌廣宏自言當爲人主約十月十日大舉已署置
將相名目詔捕劾之連坐死者百餘人欽緒遊瓌之子
特赦之壬辰射生將韓欽緒謀反伏誅是月復降魚書停刺史務十一

月丁丑以湖南觀察使趙憬爲給事中是夜

新書
己卯

京師

地震者三鳥巢散落

庚辰猶於新店

壬午禁商人不得以口馬

兵械市於党項辛丑鄜坊節度使論惟明卒是歲作元

英觀於大明宮北垣

唐書卷第十二